

## 東北將領對日作軍事之準備

### ★日本擴大世界宣傳

△欲使各國與日人爲助

東京消息稱：日本政府預備向全世界各國擴大宣傳。俾各國表同情於日軍強佔東三省之舉動。同時進行破壞中國之利益與信譽。現查日政府決定一而藉保護日僑爲名。派兵長據各佔據區域。一面鼓吹滿蒙民族。受其指揮。脫離中國關係。現南京官場及全國民衆。對此事均極注意。

### ★張學良嚴防日本軍

△萬福麟湯玉麟各返防

據報日本軍隊繼續由遼寧之通遼向西部開拔。欲至熱河之開魯地方。駐在吉林省境之日軍。則繼續北進。欲據黑龍江之地。張學良觀此情形。已忍無可忍。疊召各將領開軍事會議。討論應付計劃。各事大致已決定。

張學良令黑龍江主席萬福麟趕回黑龍江主持軍事。並令熱河主席湯玉麟趕回承德。採取相當步驟。加緊戒備。截堵日軍再侵佔中國領土。萬湯二人。定支(四)日離北平。各返原任。

### ★宣傳退軍實則增兵

△日軍之橫行未稍改變

日人所傳日軍已陸續撤出各佔據地至鐵路區域之消息。毫不確實。實際日軍尙繼續由朝鮮入境。國府已電施肇基。向國聯報告。

(十月一日日本社上海電)

●日本軍隊在北平東交民巷東長安街一帶。亂放機關鎗。演習巷戰。居民大受驚駭。

●日本軍在瀋陽鐵嶺。搜查戶口。舉火焚城。損失甚大。

●北寧鐵路東段。已於十月一日被日軍佔據。我國衛路軍皆被繳械。

●興安屯兵團長關玉衡。被日軍毒打體無完膚。并已被處死。焚尸滅跡。關氏係爲日軍所謂中村失蹤案之負責人。

●日軍便衣隊。紛紛潛入北滿活動。搗亂治安。

●日本海軍長安達。密令日本艦隊。到處監視我國民衆救國運動。

### ★吉遼兩省政府遷址

△一在哈爾濱一在錦縣

●日本軍隊繼續在東三省擴大行動範圍。並利用一般青年。赴內蒙各地運動獨立。似此苟日軍一日不撤退。華北大局將無寧日。張學良現正在與東北將領商東三省善後計劃。張擬將吉林省政府遷設哈爾濱。以應付日軍鼓動東三省獨立之運動。現吉林政務人員。均已集中哈爾濱。

●遼寧省政府現已遷設錦縣。東北邊防軍司令署。亦已設在該處。現由張相作主持一切政務。

(十月四日日本社上海電)

●遼寧省政府及東北邊防司令署。已於十月二日移往錦縣。

(十月四日日本社南京電)

### ★軍商女黨各界繼起

△有人請懲不戰之將官

●河南湖北山西湖南貴州廣東福建等省將領。紛電中央。主張採強硬政策。對付日軍行動。

●廣東各地提倡國貨運動。較之他省更爲激進。民衆團體應付奸商之舉動。時有所聞。相信此次運動。可收良好結果。

●何健電請中央。對敵宣戰。並謂所部十萬人。願効死命。

●湖北省黨部執委會。電請中央實行懲辦不敵作戰之軍官。此事牽連甚多。河北省政府王樹常亦在應懲辦之列。

●福州商界。已一致宣誓提倡國貨。以救國家。

●上海女界同盟。於十月二日開會。到會者計五千人。議決提倡推銷國貨。并籌救國鉅款。

### ★顏惠慶昨日入南京

△顧維鈞赴平見張學良

●顏惠慶已於江(三)日由上海赴南京。參加南京外交委員會。討論對付日本之計劃。顏氏聞將接納中央之委任。出任駐美公使。顧維鈞已於江(三)日離南京。轉赴北平。趨謁張學良。報告與蔣介石討論對日計劃之經過。

### ★全國學生之救國熱

△俱無不願爲國家效死

●全國各地學生代表。相繼抵都。請中央即刻下令與敵作戰。勿再退却。致地方受極大之損失。各地學生均態度激昂。無不願爲國效死。

(十月四日日本社上海電)

●全國學生軍總部業已成立。各地學生軍亦紛紛成立。

●首都各校學生。昨日舉行總宣誓。反對日軍佔東三省之行動。

●貴州省學生請願代表。已起程來京。不日即可抵步。

●開封學生八千人。向省政府請願。謂願效死與敵宣戰。

●廣州學生於冬(二)日包圍廣州各要人在退思園舉行之和平會議。要求各領袖作速和平解決糾紛。共謀對外。

●寧粵和平會議。尙在廣東舉行。聞各事大有進步。蔡元培陳銘樞張繼等一二日內即可借粵方代表北上。蔣介石已允促胡漢民李濟深居正方振武等。恢復政治活動。聞鄧演達亦有釋放希望。

### ★宋子文辭職之傳說

△陳友仁有長外部希望

●宋子文辭財部部長之謠言尙極熾。外間盛傳。苟寧粵合作之後。現任國府人員。將有大批更動。聞施肇基表示不任外長職。此職將來或爲陳友仁所得。

### ★林白夫婦遇險未死

△飛機運上海從事修理

●林白夫婦。沿江一帶。測量湖北水災區域。不幸於中途遇禍。飛機墜落水中。幸得英艦在旁救助。免於一死。現該機及林氏夫婦。已趁該艦來滬。從事修理。

(十月四日日本社上海電)